

آبونه شماره اولی

ممالك عثمانیه ده سته لکی (۶۰)، آتی
آلمی (۳۵) غروشدور.
ممالك اجنبیه ده سته لکی (۱۷)، آتی
آلمی (۹) فرانقندر.

اداره خانه

باب عالی جاده سنده دائره مخصوصه

اخطارات

آبونه بدلی پشیدر

§

مملکه موافق آثار مع الممنونیه قبول
اولنور. درج ایداله یازیلر اتاده
اولونماز.

الکتاب

۱۳۳۰

دینی، فلسفی، علمی، ادبی هفته لقی مجموعه اسلامیة در.

صاحب و مدیر

باش محرز

ع. اشرف ارباب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

اخطارات
رساله منردن آلدیفی کوسترملک
شرطیله بتون یازیلر هر هانکی
بر غزته طرفدن اقتباس اولونه بیلدر.

مکتوبلرک امضالری واضح
و اوقاق ناطلی اولسی و آبونه صره
نوسروسی محتوی بولونسی لازمه در

ممالك اجنبیه ایسون آبونه اولانلرک
آدرس لرینک فرانسیزجه ده یازیلی
رجا اولنور.

پاره کوندرلرکی زمان نه یه دایر اولد
یفنک واضعاً بیلدیرلمسی رجا اولنور.

اِحْتِشَاقِ

فرانسزلر ایمانه کلیور !

روما غزته لرینک (پارس) مخابرلری سابق فرانسه پای تختنده قالان اهانلینک احوال و افکاری حقنده آتیده کی شایان دقت معلوماتی ویرمکده درلر :

« شهرده آرتمی ذوق و صفا نامنه هیچ برشی قالمشدر. (پارسلیر) ک اک زیاده اکلندکلی محالطانیجه حق درجه ده تبدل ایشدر. (موله ن- روژ) ده هیچ برشی قالمشدر. (مافسیم) صلیب احرا داره سی طرفندن خسته خانه به تحویل ایدلشدر. بی حد و حساب واریه ته تیارورلنده آقتریسر یالکز و طنبورانه شرقیلر ترم ایتکده درلر. والاصل پارس بردن بره اخلاقسزلنی ترک ایتش، ادب دائره سنده حرکت باشلا- مشدر. هیچ برکیسه محاربه بجهنی آغزیه آلاما قده در. بو آجیل مباحثدن هرکس ممکن اولدینی قدر اجتناب ایلکده در. یالکز یاس ایله قورقو پارسلیرک قلبنده فرانسه طوبراغنه داخل اولان آلمانلره قارشی شدتلی برکین و نفرت اویاندیرمقده در. بو آده اقی فرانسزلرک بوتون آمالی یکیدن اویانمغه باشلامشدر. بئرس اهانلی شیمنی به قدر نادرآ آتاق باصدینی (نوتردام) کلیسایه قوشوشمغه باشلامشدر. بویله جه فرانسه ناک اخلاقسز شهری تهلکه قارشینده بردن بره کندینه کلش و آنجق وطنی و اونک تاریخ نظرنده کی عظمتی دوشونمکده در. »

سبیل الرشاد

حقوق الله تجاوزک بر حدی وارددر. او حدی کچنجه بالا محققدر. « جنساب حق اهل ایتمز، امهال ایدر. » دیرلرکه، بک طوغری بر سوزدر. فرد اولسون، جمیت اولسون، مطلقا اکدیکنی بجر، فعلنک جزاسنی کوریر. ذاتاً جزا فعلدن آیری برشی دکدر، آنک نتیجه ضروریه سی، لازم غیر مفارقیدر. کتب مقدسه آذغلق یوزندن ام سالفه ناک اوغرا دینی بلالری کوستریور. جنساب حق هر قومی ایقاع ایتدیکی جرمک درجه سنه کورم جزالندیر مشدر. قرآن کریمده (من یعمل مثقال ذره خیراً یره و من یعمل مثقال ذره شرّاً یره) بیوریلور. جناب حق افعال بشر حقنده وضع ایتدیکی بودستورک حکمنی بهمه حال اجرا ایدر. فقط انسانلر اوغرا دقلری بلانک منشائی دائماً اسباب عادیه و طبیعی سنده کورورلر. او اسبابک اوته سنده کی اسباب لدنیه یی کورمز. ده طوغریسی کورمک ایسته مز.

ایشته جناب حق آورو پالیرک سیه نامه اعمالنی بو سفر قانلریله تمیزله یور. مدنیتک تکملندن منبعث اولان طغیانلری او تکملک وجوده کتیردیکی وسائطله جزالندیر یور. ابره اردوسنک باشنه لبایل قوشاری واسطه سیله طاش یاغدی رمش ایدی. اوقومک، اوزمانک جزاسی بو ایدی. بو جزا اونلره کافی ایدی. چونکه او زمان « زه بلین » بالونلری، فلان یوق ایدی. شیمنی انکلز فرانسز

ازدولرینک باشلرینه ده طیاره لر، « زه بلین » لر واسطه سیله آتش یاغدی ریور !

بونلر بر طاقم اسباب عادیه در. فقط آرقه سنده لدنی سبیلر وارددر. بلا، تازیانه انتباهدر. اوتازیانه فرانسزلرکده وسیله انتباهی اولمش اولمی که شیمنی کلیسالره قوشورلر، حاشا « ولد طبیی » دییه تشهر ایتدکلی حضرت عیسان استمداد ایدیورلر ! کیم بیلر بلکه ندامتلی مشر، دعالی مقبول اولور !

حقیقه (الحاد) ک دین رسمی اولدینی کوندنبری فرانسه ده کوریلن سقوط اخلاق، رذائل ذهنلره دهشت ویرمک بر درجه یه واصل اولمشدر. آنلرده نه فکر الوهیتدن، نه حس دیانتدن اثر قالمشدر. ایش بو درجه یی بولدقن صوکره طبیی انسانده نه قلب قایلر، نه ده اخلاق. یالکز عقل کسوه سنه بورونمش بر جنت قایلر. آنک مقتضای ده طغیاندن، میل رذائلدن بشقه برشی دکدر. فرانسزلر بدایت حریدن شیمنی به قدر بر کره جناب حقک اسمنی آغزلرینه آلمه تنزل ایتمه مشلدر. آلمانلر ایسه بالعکس هر موفقیتی جناب حقدن بیلرک ادب، انصاف دائره سندن چیقما مشلدر. ایشته ایکی ملت آره سنده کی فرق !

انسانک مقتضای عقل تأویلله کوستردیکی اثار جتک اک فجیبی، اک فلاکت آوری، خالق کائناتی انکار ایتسی در. « انسانیت » کله سنک تضمن ایتدیکی معنی دور خلقتدن بری آدم اوغلرینه تعلیم حقایق ایدن ادیان سماویه ناک زبده تلقیناتی در. خیر و شرک کرک اصول، کرک فروع اعتباریله تمیزی عقلک اجتهادی دک، قلبک ایمانی، اعتقادی سایه سنده در. عقل انسانه سیاهی بیاض، بیاضی سیاه کوستره بیایر. هر شیده آنک حکمنه اتباع جائز دکدر. سلسله فضائله داخل بر چوق افعال واردر که عقل آنلرک نفیضی اختیارده هیچ بر محذور کورمز.

وجدانه کلنجه اوده افعاللر ایچون بر مصداق تام اوله ماز. چونکه او، بر لوح ساده در. اوزرینه کوزل برشی یازیله بیلدیکی کبی چیرکین برشی ده نقش اولونه بیلیر. وجدانه ایلکی محیطدن آلتق صورتیله نسج ایدیش بر قاشدر، دیمک ده موافق اولور. ایلکک رنگی نه ایسه قاشک رنگی ده او اولق ضروری در. هر درلو صورتی قبوله مستعد بر هیولی ناک صورتدن مجرد اولان تحقق عقلانیسنه بر ماهیت ثابت و مستقره اثبات اولنه ماز. حال بویله ایکن وجدانک تحسین و نفیرینی معیار افعال اولق اوزره قبول ایتک ناصیل طوغرو اوله بیلر ؟

محاسنه عائد اولان حسیاتمه کلنجه اوده تربیه دینه اثری در. اک رقیق، اک علوی حسلرمزی تحلیل ایتدی کمز زمان صوکره عنصرلرینک دینه منتهی اولدینی کورورز. مثلاً روحی ملاء اعلائی تفکره ارتقا ایتدیرن ایکی جناح سماوی - که شعر ایله موسیقی در - معبدلردن چیقمش، عشق الهیدن طوغمشدر. دینک ضعیفی انسانده حس بدایعدن، فکر

محاسن اثر برافاز . نه کیم اور وپاده او اسکی نزاهت ، او اسکی دریغو قلامشدر .

کستدیککز مظلوم یولرده کی مهالکی انجق «ایمان» دهنیلن مشعل ربانی ایله کوره بیلیرز . او مشعلی المزدن بر اقدیغمز دقیقه ده غیای خسرا نه یو وار لایبرز . موضوعات بشریه نك هیچ بری دینك یری طوته ماز . دینسر بر آدم ایچی چورومش چنار آغاچه بکزر . خلاصه انسانیت حاضره نك منشای دین در . انسانیت بوتون مزایاسی دیندن اقتباس ایتشدر . فقط بر چوق کیمسه لر کرامتی کندیلرندن بیلورلر؛ دینی زائد ، حتی مضر عد ایدیورلر . نه بویوک کفران ! نه شنیع طغیان !

بونك اك آجیق مثالی فرانسرلدر . آنلر الحادی دین اولمق اوزره قبول ایتدکاری حالده عجبا شیمی ناصل اولیورده جناب حقه رجوع ایدیورلر ؟ ..

اختلال کیرك اك مهم ، اك مشهور رکنلرندن «روبسیه» فکر الوهیتی بسبتون ذهندن چیقارامامش اولمکی که آوستریالی «له توبولد» ک وفاتی متعاقب اختلال اردولرینك بعض موفقیاته نائل اولملری اوزرینه برکون «زاقوبن» لرك محفلنده بر نطق اوقومش ایدی . بو نطقك بر قاج یرنده ده جناب حقك اسمی ذکر ایدیلش ایدی . زاقوبنلردن «غاده» نك جانی صیقلمش اولمکی که منفعلانه بر طور ایله مجلسه شو سوزی ی سولشدر :

«بو نطقك بر جوق یرنده اللهك قدرتندن ، بيلم نه دن بحت اولونیور . بزى استبدادك پنجه قهرندن قورتارمق ایچون اوچ سندن بری کمال جسارتله چالیشان بر آدمك (یعنی روبسیه رك) تکرار ربه اباطیلک پنجه تحکمنه تسلیم ایتك ایسته یه جکنی خاطر مه کتیرمزد .»

ایشته بو کونکی فرانسرلرک کافه سی «غاده» نك فکرنده در . فقط شمعی یاواش یاواش رجوعه یلته نیورلر . آنجق هوا آجیلنجه هر شینك ینه حال اصلینسه رجوع ایده جکنه شبه یوقدر . (واذا مسکم الضر فی البحر ضل من تدعون الا اياه فلما نجیکم الی البر اعرضتم وکان الانسان کفوراً - قرآن کریم)

تنبیه و توبیخ

مقام مشیختك مهم بر تشبثی

دارالظرفه مدرسه سی

جهان مدنیته عصرلرجه عرفان نورلری صاحبان مؤسسات اسلامیة،

کرد باد زمان ایله تر وتابی غائب ایتش ، هر بری برر دارکال اولان مدارسك سنکین سقفلری آلتنده ، بر قاج یوز سنه دنبری ؛ علم نورلری یرینه جهل کابوسلری یوزمکه باشلامشدی .

بر وقتلر اومدرسهرلردن یتیشهن پارلاق دماغلر قلمرو اسلام ده مدنیت و فضیلتك برر شمس تابانی وظیفه سنی ایفا ایدرکن ، ملعون سبیلر تأثیرات ایله عینی بنالر ، برمدت صوکره جهل وظلمت هیولالرینه مقرر اولمش ، بو صورتله کشور اسلام ، باشند باشه مستور ظلام بر دیارتار مارحاله انقلاب ایلشدی . بو هیولاسنه لرجه اسلامی آزمش ، او ظلمت عصرلرجه مسلمانلرک آفاق ایتباهنده کشف طبقه لر حالنده قالمشدی . دور مشروطیت ، مدارس اسلامیة یی ایشه بویله بر حال پریشانی ده بولدی . مشروطیتك طبیعی اولان سرمستیی زائل اولور اولمز مملکتك متفکر دماغلری اسلامی قورتاره جق ، مسلمانلری اعلا ایده جک منابعك آیقلا نهمه سنی ، مدرسهرلک عصرک ایجاباته موافق بر شکل نوینه افراغی دوشونمکه باشلادیلر .

مدرسهرلک ؛ اوزاق برماضی ده اولدینی کبی ، عرفان نورلری نشر ایدن برر دار علوم حالنه کله سنی ایسته مه ین کیمسه یوقدی . بر زمانلر علم و عرفان منبى اولان معظم آبدلرک مظلوم پریشان حاللری کورن ایمانلی هر فردک یوره کی «یزلایور» قلبی قان آغلیوردی . سبیل الرشاد ، بو ستونلرده دائماً او آجیلره ترجمان اولمش ، اصلاح مدارس مسئله سنی هر وسیله ایله علاقه دارانك انظار همتنه عرض ایلشدی .

مدرسهرلری خرابی یه سورو کله ین مشوم دورک ییقله سنی متعاقب ، اصلاح مدارس یوانده مختلف تشبثلر ، متنوع فکرلر اورتایه آیلدی . فقط بو فکرلردن ، او تشبثلردن هیچ بری پایدار بر ایز بر اقه مدی . چونکه تشبث اساسی ، متبثلر چونکه تشبث اساسی ، متبثلر عزیمکار ولایم کلن اوصاف ایله پیرایه دار دکلدیلر .

بو کون مقام مشیخت اسلامیة ، اساسی اولدینی ادعا ایدیلن یکی و پارلاق بر تشبثی انظار عامه یه عرض ایدیور .

شیخ الاسلام افندی حضرتلری مدرسهرلک اصلاحی یولنده کی تشبثلریله مأیوس قبلره بر امید ویرمش ، سنهلردن بری ایسته نیلن غایه یه توجه ایتش اولیورلر . مشیخت اسلامیة نك عصر دیده تشکیلاته خاتمه ویره رک یرینه داها فیاض بر اساس قورمق ایسته دیکی آ کلاشیلیور .

فقط ، عجبا یایمق ییقمق قدر قولای بر شیمیدر ؟ حوله ثقیلی بو کونکی نسلک اوموزلری پیراندرن تنظیما تعلیق ، یایمه نك ییقمق قدر قولای اولدینته آلم فقط جانلی بر مثال دکلدیر ؟ ..

اسکیسی ییقلوب یکیمی قوروله مه ین بر جوق مؤسساتك تماشا کر خرابیسی اولانلر احتمالکه بویکی تشبثی ده ترددلر ، حتی هیجانلره قارشولایه جقلردر . تشبثك باشنده ، غیر قابل اصلاح اولدینی صلاحیتدار